



**JABATAN HAL EHWAL AGAMA ISLAM PULAU PINANG**

**TATACARA MAJLIS AKAD NIKAH SECARA WAKALAH  
DI NEGERI PULAU PINANG SEPANJANG TEMPOH PERINTAH  
KAWALAN PERGERAKAN (PKP/PKPB)**

**MULAI 27 JANUARI 2021**

Adalah dimaklumkan bahawa Tatacara ini dikeluarkan selaras dengan tempoh pelaksanaan Perintah Kawalan Pergerakan (PKP) yang berkuatkuasa mulai 27 Januari 2021 sehingga arahan lain dikeluarkan oleh pihak berkuasa dari masa kesemasa. Tatacara ini hendaklah dipatuhi bagi pelaksanaan majlis akad nikah secara wakalah di negeri Pulau Pinang seperti berikut:-

**Syarat umum dan khusus:**

1. Akad nikah secara wakalah dibenarkan dibuat atas sebab-sebab tertentu yang sangat diperlukan (*darurah syarie*) seperti terdapat halangan untuk melakukan akad nikah di tempat yang ditetapkan kerana pihak-pihak tinggal berjauhan kerana salah satu pihak berada di luar negara, wujud halangan perjalanan atau terjadi keadaan wabak penyakit berjangkit yang kesemuanya menjadi kesukaran bagi pihak-pihak untuk berada dalam satu majlis yang sama.
2. Pelaksanaan majlis akad nikah secara wakalah hanya dibenarkan kepada pasangan yang telah mendapat Kebenaran Berkahwin yang dikeluarkan oleh Pejabat Agama Daerah.

**Pelaksanaan Majlis Akad Nikah Secara Wakalah:**

1. Dibenarkan di Pejabat Agama Daerah sahaja.

2. Tarikh dan masa ditetapkan oleh Pejabat Agama Daerah.
3. Sekiranya pengantin lelaki berada diluar negeri, wali, pengantin perempuan, wakil pengantin lelaki yang akan menerima wakalah beserta kedua orang saksi perlu hadir pada tarikh dan masa yang ditetapkan oleh Pejabat Agama Daerah untuk pengantin lelaki melafazkan wakalah dan seterusnya ijab qabul nikah oleh wakil dilaksanakan.
4. Sekiranya wali berada diluar negeri, pengantin lelaki, pengantin perempuan, wakil wali yang akan menerima wakalah beserta kedua orang saksi perlu hadir pada tarikh dan masa yang ditetapkan oleh Pejabat Agama Daerah untuk wali melafazkan wakalah dan seterusnya ijab qabul nikah.

Tindakan sebelum akad nikah:

1. Pejabat Agama Daerah hendaklah memastikan Surat Kebenaran Berkahwin telah diperolehi.
2. Kedua-dua pihak yang terlibat perlu berada di tempat masing-masing secara serentak. Dan pihak yang hadir di PAD hendaklah tidak melebihi sepuluh (10) orang; iaitu tujuh (7) orang yang terdiri daripada pengantin atau wali, keluarga terdekat pengantin, juru gambar dan wakil mereka dan tiga (3) orang daripada Pejabat Agama Daerah.
3. Pendaftar memastikan semua rukun nikah dan syarat-syarat nikah dipatuhi.
4. Pendaftar memastikan semua dokumen berkaitan Kebenaran Berkahwin betul dan tepat dan surat Lafaz Wakalah mengikut syara' dan peraturan.
5. Memastikan semua pihak yang terlibat dapat mendengar atau dan melihat dengan jelas semasa lafaz wakalah dan ijab qabul dibuat.

Tindakan semasa akad nikah:

1. Pendaftar memastikan mahar dan lain-lain perbelanjaan perkahwinan telah diselesaikan di antara kedua-dua pihak.

2. Pendaftar memastikan wakalah telah dibuat dengan sempurnanya oleh pengantin lelaki atau oleh wali secara bertulis di hadapan pihak-pihak yang berkelayakan menurut syara' serta mengikut peraturan kepada wakilnya dan qabul pula dibuat oleh wakil pengantin lelaki atau wakil wali secara bertulis.
3. Atau lafaz wakalah yang dibuat oleh sama ada pengantin lelaki atau wali dilafazkan secara langsung melalui atas talian yang jelas didengar kepada wakilnya dan lafaz qabul dibuat secara berturutan oleh wakilnya.
  - Sesi *video call* dibuat (skrin dan kemudahan komunikasi disediakan), Pendaftar akan mendapatkan keizinan pengantin perempuan terlebih dahulu seperti bertanya (adakah kamu bersetuju berkahwin dengan pasangan kamu?)
4. Kemudian, Pendaftar akan memohon pengantin lelaki untuk mewakilkan kepada wakilnya seperti berikut;-
  - i- Lafaz Wakalah Pengantin Lelaki Kepada Wakilnya;

*Saya ..... (nama pengantin lelaki), mewakilkan kepada tuan..... (nama wakil) untuk menerima nikah bagi pihak diri saya dengan ..... (nama pengantin perempuan) dengan mas kahwinnya ..... tunai.*
  - ii- Lafaz Terima Wakalah Pengantin Lelaki Oleh Wakil Pengantin Lelaki;

*"Saya..... (nama wakil) bersetuju menjadi wakil kepada kamu ..... (nama pengantin lelaki) untuk menerima nikah bagi pihak kamu ..... (nama pengantin lelaki) dengan ..... (nama pengantin perempuan) dengan mas kahwinnya ..... tunai.*
5. Kemudian Pendaftar akan membimbing wali untuk melafazkan akad;
  - a. Diakadkan oleh Wali;

*Encik ..... (Nama wakil pengantin lelaki), saya nikahkan ..... (nama*

*pengantin lelaki) yang berwakil kepada kamu dengan ANAK PEREMPUAN saya ..... (nama pengantin perempuan) dengan mas kahwinnya ..... tunai/hutang.*

b. Lafaz Ijab oleh Wali

Saya ..... \* nombor kad pengenalan/passport..... adalah ..... Kepada ..... \*nombor kad pengenalan/passport..... dengan ini mewakilkan kepada ..... \*nombor kad pengenalan/passport..... untuk mengakadnikahkannya dengan ..... \* nombor kad pengenalan/passport..... dengan mas kahwin sebanyak RM..... tunai/hutang.

c. Lafaz Qabul Oleh Wakil Pengantin Lelaki

Saya .....(nama wakil) menerima nikah ..... (Nama Pengantin Perempuan) bagi pihak .....(Nama Pengantin Lelaki) dengan mas kahwinnya ..... tunai/hutang.

d. Diakadkan oleh Wakil Wali

Lafaz Ijab Oleh Wakil Wali

*Encik.....(Nama wakil pengantin lelaki), saya ..... nikahkan .....(nama pengantin lelaki) yang berwakil kepada ..... kamu ..... dengan .....(nama pengantin perempuan) yang berwakil walinya kepada saya dengan mas kahwinnya ..... tunai/hutang.*

e. Lafaz Qabul Oleh Wakil Pengantin Lelaki

Saya .....(nama wakil Pengantin Lelaki) menerima nikah ..... (Nama Pengantin Perempuan) bagi pihak .....(Nama Pengantin Lelaki) dengan mas kahwinnya ..... tunai/hutang.

6. Pendaftar akan mengarahkan Pengantin Lelaki untuk membacakan lafaz ta'lik secara atas talian (jika pengantin lelaki berada di luar negeri) dan disaksikan oleh semua pihak.
7. Kaedah akad nikah, lafaz ijab dan qabul serta maklumat terperinci berkaitan pelaksanaan akad nikah melalui wakalah hendaklah dicatatkan di dalam Borang Makluman Nikah. (contohnya akad nikah dijalankan di Pejabat Agama Daerah, manakala pengantin lelaki dan perempuan berada di negeri berkenaan atau wali berada di luar negeri berkenaan).

Tindakan selepas akad nikah;

1. Pejabat Agama Daerah akan menyerahkan sesalinan Surat Makluman Nikah kepada wakil pengantin lelaki dan perempuan dan dicop untuk kegunaan rasmi sahaja.
2. Apabila pasangan pengantin pulang ke Malaysia, mereka perlu mengambil Kursus Praperkahwinan Islam (atau Temuduga Khas) dan setelah itu surat perakuan nikah asal akan dikeluarkan.
3. Mas kahwin dicatat sebagai tunai sekiranya pengantin lelaki membayar mas kahwin dalam majlis akad nikah, atau dicatat hutang sekiranya bayaran itu ditangguhkan.

Arahan:

Pengarah,  
Jabatan Hal Ehwal Agama Islam Pulau Pinang.

Tarikh: 26 Januari 2021 / 13 Jamadil Akhir 1442